



Universitätsbibliothek Paderborn

**Disputationes|| ROBERTI BELLAR-||MINI E SOCIETATE
IESV,|| DE CONTROVERSIIS CHRISTIANAE|| FIDEI,
ADVERSVS HVIVS TEM-||poris Hæreticos,||**

Tribus Tomis comprehensæ.||

De Ecclesia, Qvæ Est in Pvrgatorio

Bellarmino, Roberto Francesco Romolo <Heiliger>

Ingolstadii, [1599]

VD16 B 1607

Cap. I. De personis quibus Purgatorium conuenit.

[urn:nbn:de:hbz:466:1-53890](https://nbn-resolving.de/urn:nbn:de:hbz:466:1-53890)



LIBER SECVN- DVS DE CIRCVMSTAN- tiis Purgatoriij.

CAPVT PRIMVM.

De personis quibus Purgatorium conuenit.

DEMONSTRAVIMVS HACTENVS PVRGATORIUM esse; nunc de circumstantiis Purgatoriij, id est, de personis, loco, tempore, poeni- suffragiis, aliisque id genus differendum est.

PRIMA igitur illa quæstio occurrit: *Quibus personis purgatio post hanc vitam conueniat?* Multi autem exstiterunt errores de eiusmodi personis.

PRIMVS fuit, purgari debere post hanc vitam tam bonos, quam malos, uno Christo excepto. Hæc sententia solet tribui Alcuino, sed videtur esse non eius solum, sed multorum. ORIGENES enim hom. 14. in Lucam: *Ego, inquit, post resurrectionem ex mortuis indigamus sacramento eluente nos a que purgante; nemo enim absque sordibus resurgere poterit, nec ullam posse animam reperiri, qua universis statim vitiis careat.* Et in Psal. 36. *Omnes nos venire cesse est ad illum ignem, etiam si Paulus sit aliquis, vel Petrus, vel Leni, igne Ezechiel, igne Daniel.* Et in Psal. 118. serm. 20. ad ducens illud Genes. 4. *Posuit ante paradisum flammeum gladium, dicit, illum gladium igneum, esse ignem purgatorium, per quem necessariò transit, quicunque in paradisum intrat.*

Omnes, inquit, oportet transire per flamas, siue ille Iohannes, siue Petrus, &c. Et infra: Vnus ignem illum sentire non pertinet, qui est iustitia Dei Christus.

Idem

Idem videtur sensisse HILARIVS in illa verba Psalm.118.
Concupiuit anima mea desiderare iudicia iustitiae tuae. Vbi
 insinuat etiam B. MARIAM transire debuisse per illum ignē.
 Idem LACTANTIVS lib.7.cap.21.diuinarum institutionum,
 & Hieronymus in caput 7. Amos in illa verba: *Ecce vocabit
 ignem ad iudicium.* Denique Rupertus lib.3.in Genes.cap.32.
 explicans flammeum gladium.

Hæc sententia accepta, ut sonat, manifestum errorem con-
 tinet. Nam in Concilio Florentino sess.vlt. definitum est, ali-
 quas animas in infernum, alias in purgatorium, alias in
 cœlum mox recipi; deinde Ecclesia semper credidit eos, qui
 mox à Baptismo moriuntur, nullam Purgatorij pœnam sen-
 tire posse, ut constanter Augustinus docet lib.21. de ciuitate
 Dei, cap.16. & similiter eos, qui baptizantur in sanguine suo,
 ut Cyprianus lib.4. epist.2. dicit; omnia enim peccata passio-
 ne purgari affirmat, & ideo Martyres statim ad præmium per-
 uenire.

Adde, quod Patres adducti (Origene excepto, cuius verba
 in hom.14.in Luc.non patiuntur commodam expositionem)
 videntur sano modo intelligi posse: Nam aliqui eorum per
 ignem non intelligunt ignem purgatorium, sed ignem diui-
 ni iudicij, quomodo loquitur Paulus in 1.epist. ad Cor.cap.3.
 cùm ait: *Vniuersusque opus quale est, ignis probabit.* Et hoc
 modo fatendum est, omnes Sanctos, Christo excepto, per
 ignem transire. ita videntur de igne loqui Hilarius & Hiero-
 nymus, & in loco posteriore Ambrosius.

Aliqui verò videntur intelligere per ignem verum ignem
 Purgatorij, per quem tamen dicunt transire Sanctos sine vlla
 læsione, ita ut transcant per Purgatorium materialiter, non
 formaliter. Ita videntur loqui Lactantius, Ambrosius, & Ru-
 pertus. LACTANTIVS enim sic ait: *Sed & iustos cum iudica-
 nerit Deus, etiam igne eos examinabit: tum quorum peccata
 vel pondere, vel numero præualuerint, perstringentur igni at-
 que amburentur: quos autem plena iustitia & maturitas cir-
 tutis decoxerit, ignem illum non sentient, habent enim ali-
 quid in se Dei, quod vim flamma repellat.* Sic etiam Ambro-
 sius in Psal.36. vbi dixerat, omnes transituros per igem, sub-
 jungit, quosdam mansuros in illo igne perpetuo, quosdam
 vrendos, non tamen exurendos, quibusdam, id est, Sanctis
 instar

instar roris futurum, ut quondam tribus pueris in Babylonis fornace.

Conformis est huic sententiæ visio B.Fursæi, quam describit Beda lib.3.hist.cap.19. Ille enim vidit in via ad cœlum maximos ignes, per quos necessariò transendum erat, sed vidit simule eos, qui nihil haberent combustibile, id est, nullum culpæ aut pœnæ reatum, illæsos transire, alios verò magis minùsue exuri, prout plus minùsue materiae combustibilis affreabant. Sanè hanc sententiam, quæ docet omnes transituros per ignem, licet non omnes lœdendi sint ab igne, nec audem pro vera asserere, nec vt errorem improbare.

S E C V N D V S error est, omnes malos, tā Dæmones, quām homines tandem inferno penitus euacuato saluandos, & proinde omnes pœnas post hanc vitam esse purgatorias. Hic error Origenis fuit, vt referunt & refellunt Epiphanius epistola ad Ioannem Hierosolymitanum, Augustinus lib.21 de ciuitate Dei, cap.17. & 23. Hieronymus in cap.3, Ionæ, & Gregorius lib.9. moral. cap.45. & 46. & lib.34. cap.12. & 13. Nam Matth.25. dicitur: *Ite maledicti in ignem aeternum, qui patratus est Diabolo & angelis eius.* Et ne fortè responderent, esse aeternum, sed non mansionem in igne, concludit Dominus: *Et ibunt hi in supplicium aeternum, iusti autem in vitam aeternam.* Et Apocal.20. *Diabolus, qui seducebat eos, missus est in stagnum ignis & sulphuris, ubi bestia & Pseudopropheta cruciabuntur die ac nocte in secula seculorum.*

Errorum eundem tribuit S.Hieronymo Ruffinus lib.1. in uectiuarum in Hieronymum, sed iniuria; nam B.Hieronymus huius erroris hostis acerrimus fuit, vt præter locum citatum patet ex Apologia 2. contra Ruffinum, ex lib.1. contra Pelagianos, ex epistola ad Pammachium de erroribus Ioannis Hierosolymitani, & ex commentario in ultima verba Isaiae. Quòd autem citat pro hoc errore Ruffinus ex commentariis Hieronymi in epistolam ad Ephesios, sunt dicta in persona Origenis, vt idem Hieronymus docet de similibus erroribus, in Apologia 1. contra Ruffinum. *Dicitur exstant liber cuiusdam Stanislai Anabaptistæ pro hoc errore Origenis, qui inscribitur de diuina philanthropia; sed eum librum nondum videre potui.*

TERTIVS

TERTIVS error est eorum, qui non quidem Diaboli, sed camen omnium hominum peccatorum pœnas, post hanc vitam dicebant esse temporales & purgatorias, ut Augustinus refert & refellit lib. 21. de ciuitate Dei, cap. 18. & 24.

QUARTVS error est eorum, qui id sentiebant solum de omnibus Christianis, siue haeretici, siue Catholici essent; refert Augustinus ibidem, cap. 19. & 25.

QVINTVS eorum, qui id sentiebant de solis & omnibus illis, qui aliquando fuissent Catholici. Augustinus ibidem refert cap. 20. & 25. Hi errores tefelluntur, tum ex Matth. 25. *Ite in ignem aeternum.* Et Apocal. 20. *Crucia buntur in secula seculorum;* tum etiam ex Isaie vlt. *Ignis eorum non extinguetur.* Et Gal. 5. *Qui talia agunt, regnum Dei non possidebunt.* Nam in his locis non soli Dæmones, nec soli homines Ethnici, aut haeretici, sed etiam flagitosi Catholici puniendi esse dicuntur sine ullo fine.

Fundamenta errorum istorum erant quatuor. **PRIMVM,** quia Psalm. 76. dicitur: *Nunquid obliuiscetur misereri Deus, aut continebit in ira sua misericordias suas?* **SECUNDVM,** quia Rom. 11. dicitur: *Conclusit Deus omnes in infidelitate, ut omnium misereatur.* **TERTIVM,** quia si Sancti orabant pro inimicis, & exaudiabantur in hoc mundo, multò magis orabunt & exaudientur in die iudicij. **QUARTVM,** quia videmus in Scriptura supplicia à Deo absolutè intentari, & tamen postea non inferri, ut patet Ionæ 3. *Adhuc quadraginta dies Es̄ Ninive subuerteretur.* Vnde intelligimus, inquit, cum Deus minatur supplicia, non significari ea reuera inferēda, sed tantum eos, quibus intentantur, dignos esse, qui ita punirentur.

Sed ad **PRIMVM** respondet Augustinus lib. 21. de ciuitate Dei, cap. 24. intelligi illa verba solum respectu bonorum, vel si extendatur ad damnatos, sensum esse; Damnatos puniendos quidem in æternum, sed tamen citra condignum. Posset etiam dici, intelligi illa verba, in hac vita, de qua dicitur: *Ecce nunc tempus acceptabile,* nam de iudicio futuro dicitur Iacobii 2. *Iudicium sine misericordia ei, qui non fecit misericordiam.*

Ad **SECUNDUM** respondet Augustinus ibidem, illud: *Vt omnium misereatur, non significare omnium hominum, sed omnium nationum, id est, tam Gentilium, quam Iudæorum,* **GGG** **ita**

ita ut aliqui ex Gentibus, aliqui ex Iudeis saluentur. sicut illud: *Conclusit omnes in infidelitate*, significat tam Gentes, quam Iudeos, id est, aliquos ex Gentibus, aliquos ex Iudeis; Deus enim ante Christi aduentum permisit Gentes ingressus suas in infidelitate & idolatria, ut postea confusi medium requirent, & inuenirent, ut factum est. Deinde Gentibus conuersis permisit in infidelitatem ruere Iudeos, ut & ipsi circa finem mundi confusi & humiliati, similiter conuertantur.

Ad TERTIVM respondet, Sanctos in hoc mundo orasse, quia sciebant in hac vita tempus esse fructuosa pœnitentia, at in iudicio non oraturos pro damnatis, sicut nec nunc oramus pro Diabolo, aliosque damnatis.

Ad QUARTVM responderet Augustinus, Niniuem ferè fulse euersam, ut prædictū fuerat; nam omnes de malis facti sunt boni, quæ est euersio optima, & Deo gratissima. Potest etiam responderi, supplicia à Deo intentata in hac vita, esse comminatoria, quia intelliguntur sub conditione, nisi quis egenit pœnitentiam, at post hanc vitam non est pœnitentia, saltem fructuosa; nam Ioannis cap.9. dicitur: *Operamini dum dies est, venit nox, in qua nemo potest operari.* Et Eccles.9. Apud inferos non est opus, nec ratio, &c.

SEXTVS error est aliorum, qui volebant, omnes, & solos Catholicos in fide perseverantes ad Purgatorium descendere, quamvis alioqui pessimè vixissent. refert & refellit hunc errorem Augustinus lib. 21. de ciuitate Dei, cap. 25. & 26. Eucherid. cap. 68. de fide & operibus, cap. 14. 15. & 16. & quæst. 1. ad Dulcitium. Nam Matth. 3. de fidelibus malis dicitur: *Paled autem comburet igni inextinguibili.* Et Matth. 25. fidelibus immisericordibus dicetur: *Ite in ignem aeternum.* Et 1. Cor. 6. scribitur fidelibus à Paulo: *Neque ebriosi, neque auari, neque adulteri, neque molles, neque maledici regnum Dei possidentur.* Et similia habentur ad Galat. 5. & Ephes. 5.

Fundamentum huius erroris erat locus ille 1. Corinth. *Ipse autem saluus erit quasi per ignem.* Putabant enim illi per fundamentum intelligi fidem Catholicam, per argentum & aurum omnia opera bona, per ligna, fœnum, & fipulas, omnia peccata; sed hoc supra sufficenter refutatum est.

Est autem obseruandum, esse aliquos, qui arbitrentur beatum Hieronymum in hoc errore fuisse, quia in ultima verba Isaiae dicit: *Sicut Diaboli & omnium negatorum atque impiorum, qui dixerunt in corde suo; Non est Deus, credimus aeterna tormenta: sic peccatorum atque impiorum, & tamen Christianorum, quorum opera in igne probanda sunt, atque purganda, moderatam arbitramur, & mixtam clemētia sententiam iudicis.* Item lib. I. contra Pelagianos: *Si Origenes, inquit, omnes rationabiles creatureas dicit non esse perdendas, quid ad nos? qui & Diabolus & satellites eius, omnesque impios dicimus perire perpetuò; Christianos vero si in peccato praeuenti fuerint, saluandos esse post paenas.*

Videtur tamē Hieronymus in hoc errore non fuisse, quandoquidem in cap. 25. Matth. vbi manifestè agitur de damnatione aeterna fidelium peccatorum, ita scribit: *Prudens lector attende, quod & supplicia aeternasint, & vita perpetua metum deinceps non habeat ruinarum.* Et cap. 5. ad Galat. Putamus, inquit, nos regnum Dei consequi, si a fornicatione, idolatria, beneficiis immunes simus? *Ecce inimicitia, contentio, ira, rixa, dissensio, ebrietas quoque, & cetera, qua parua arbitramur, excludunt nos a regno Dei.*

In locis ergo citatis in contrarium, non vult B. Hieronymus dicere, omnes Christianos saluandos post paenas, sed nullos saluandos post paenas, nisi Christianos. Vnde in priore loco dicit quidem Christianos impios saluandos, sed addit conditionem restringentem, cum dicit: *Quorum opera in igne probanda, & purganda sunt;* id est, illi soli Christiani impij saluabuntur, quorum opera mala iam purgata, quoad culpam, purganda erunt quoad reatum paenæ. In posteriore loco opponit impii Christianos, qui in peccato præueniuntur morte, ut indicet se loqui solū de piis Christianis.

SEPTIMVS error eorum est, qui existimabant, omnes illos saluandos per ignem Purgatorij, qui eleemosynas fecissent, etiam si alioqui in sceleribus perseuerassent usq; ad mortem.

Refellit hunc errorum S. Augustinus in Enchirid. cap. 75. & 76. & lib. 21. de ciuitate Dei, cap. 22. & 27. nam Scriptura manifestissimis verbis multa requirit ad iustificationem impij præter eleemosynam. Luce 13. *Si paenitentiam non habueritis, omnes similiter peribitis.* 1. Corinth. 13. *Si distribuero in*

GGGgg 2

cibos

cibos pauperum omnes facultates meas, caritatem autem non
babuero, nihil mihi prodest. Qualem autem, quæso, carita-
tem habet, qui Deum offendere non timet, aut postquam
eum offendit, non quærit reconciliationem?

A T , inquiunt , in die iudicij examen fieri videmus solum
de eleemosyna , Matth.25. qui enim fecerunt eleemosynam,
mittuntur in regnum; qui non fecerunt, mittuntur in Gehen-
nam.

R E S P O N D E O , Dominum minora posuisse, ut inde colli-
geremus maiora ; qui enim minatur Gehennam iis , qui non
dederunt sua, multò magis puniet eos, qui rapuerunt aliena;
& qui promisit regnum iis, qui fecerunt eleemosynam ex pe-
cuniis suis , multò magis coronabit eos , qui vitam pro fide
ponunt. Vide, si placet, plura in disputatione nostra de ele-
mosyna.

His ergo erroribus confutatis, manet ultima sententia ve-
ra, & Catholica: Purgatorium pro iis tantum esse, qui cum
venialibus culpis moriuntur, de quibus agitur ad Corinth.
cap.3. Illi enim sunt, qui ædificant super fundamentum ligna
& stipulas, & salui erunt quasi per ignem. Et rursus pro illis,
qui deceidunt cum reatu pœnæ, culpis iam remissis, de quibus
agitur Luc.12. Non exies inde, donec reddas nouissimum qua-
drantem. & aliis locis supra citatis.

C A P V T II.

*In Purgatorio non posse animas mereri vel
peccare.*

SE Q V I T V R altera quæstio: *An in Purgatorio sit*
locus merito, & peccatis. LVTHERVS enim
quando Purgatorium confitebatur, ita confite-
batur, ut illud partim cum huius vitæ statu, partim cum infer-
no confunderet. Dicebat animas Purgatorij posse mereri,
quod est vitæ huius, & rursum eas peccare continuò, ac de-
sperare salutem, quæ sunt propria damnatorum. Radix ho-
rum fuit, quia existimauit eas animas ad Purgatorium mitti,
quæ non sunt perfectæ in caritate; quæ enim nullam habent
caritatem mittuntur in Gehennam, quæ habent perfectam
ascen-